



MPOX NDIYOPEWEKA






LIMBA, LERO SINDINAMUONE JOHN KU SUKULU KUNO, PAJA MUMAKONDA KUYENDERA LIMODZINSO. WATANI?

APHUNZITSI AKUTI WADWALA MPOX. KOMA ZAMBIRI ZA MPOX SINDIKUZIDZIWA. TIYE TIKAMVERE LIMODZI KWA ATSIBWENI ANGA PAJA NDI ALANGIZI A ZAUMOYO.



ATSIBWENI, NZATHU WINA KU SUKULU SAKUBWERA AKUTI WADWALA MPOX.

MWACHITA BWINO KUBWERA KUTI MUDZIWE ZAMBIRI ZA MPOX. MATENDAWA AMAYAMBA NDI TIZILOMBO TA MTUNDU WA MA 'VIRUS'. NDIPO, KWENI KWENI AMAGWIRA NYAMA ZINA ZA KUTCHIRE KOMA AMAFALANSO KUCHOKA KU NYAMAZO, KUPITA KWA ANTHU.




ATSIBWENI, ZIMATHEKA BWANJI ZIMENEZI?

PAMENE MUNTHU WAKHUDZANA NDI NYAMA YOMWE ILI NDI MATENDAWA, KAYA NDI POSAKA, POKONZA NDI PAKUDYA NYAMAYO, ATHA KUTENGA MATENDAWA.



NDIYE KUTI MUNTHUYO AKATENGA, ATHANSO KUPATSIRA ENA?

MWAKHOZA, NDINU ANA ANZERU. MUNTHU AKATENGA MATENDA A MPOX AMATHA KUPATSIRA ANTHU ENA MU NJIRA ZOSIYANASIYANA MONGA: KUKHUDZANA, KUBWEREKANA ZINTHU NGATI ZOVALA, ZOFUNDA, KOMANSO KUPSOPSONANA.



EH, NDIYE NDI OOPSATU, MPAKA KUSABWEREKANA ZOVALA NDI MAGUZA?

INDE TAPIWA.



KOMANO ATSIBWENI, MUNTHU ODWALA MATENDA AMENEWA TINGAMUDZIWE BWANJI?




ZINA MWA ZIZINDIKIRO ZA MPOX NDI MONGA KUTULUKA MATUZA PAKHUNGU, MWANABERE NDI KUTENTHA THUPI, KUPWETEKWA KWA MUTU NDI KUFOOKA. IZI NDI ZINA CHABE MWA ZIZINDIKIRO ZA MATENDAWA.



NANGA TINGATANI NGATI TAONA ZIZINDIKIRO ZIMENEZIZI ATSIBWENI?

NGATI MULI NDI ZIZINDIKIRO IZI, KAPENA MWAZIONA PA ANZANU ENA, MUSACHEDWE, THAMANGILANI KU CHIPATALA CHOMWE MULI NACHO PAFUPI, NDIPO MUKATHANDIZIDWA MOYENERA.

KUONJEZELA APO, TSATILANI NJIRA ZA CHIPATALA, MONGA KUDZIPATULA PANOKHA KUTI MUSAFALITSE KWA ANTHU ENA.



ATSIBWENI, NTHENDAYI INGAGWIRE ANAFE, KAPENA NDI YA AKULU AKULUNU BASI?

INDE LIMBANI. NTHENDAYI ILI NDI CHIOPSYEZO CHACHIKULU KWAMBIRI KWA ANA NDI AMAI OYEMBEKEZERA KOMANSO ANTHU ENA OMWE CHITETEZO CHAWO NDI CHOTSIKA PA ZIFUKWA ZINA, MONGA HIV.

Kudziwa zizindikiro za MPOX ndikofunikira kwambiri pakati pa ana a sukulu kuti akwanitse kupewa matendawa.



KOMATU JOHN ANAONETSA
ZINA MWA ZIZINDIKIRO
MWANENA ZIJA ATSIBWENI.
TIDZITI INGAKHALE
MPOX YOMWE
AKUDWALAYODI?

IZO ANGANE NE NDI
ACHIPATALA. JOHN
AKUYENERA ATHAMANGE
NAYE KU CHIPATALA
KUTI AKAMUTHANDIZE.



ZIKOMO KWAMBIRI
ATSIBWENI POTIUA
ZAMBIRI ZA NTHENDAYI.

ZIKOMONSO KWA IWE
LIMBANI NDI TAPIWA
POBWERA. KOMA CHONDE
UTHENGAWU MUFALITSENDO
KWA MAKOLO KUNYUMBA NDI
ANZANU ONSE KU SUKULU.
MPOX NDI YOOPSYA,
KOMANIYOPEWEKA
NDITHU.




TAPI, NDIYE TITANI
KUTI TIMUTHANDIZE
JOHN?

KODI PANO NDIYE KUTI
WAJOMBA MASIKU
ANGATI KU SUKULU?



ATATU
TSOPANO.

NDIKUGANIZA KUTI
TINGOMULEMBERA KALATA
NDI MALANGIZO AMENE
ALANGIZI AJA ANAPERKA PA
ZOMWE MUNTHU AMENE ALI
NDI ZIZINDIKIRO ZA
MPOX ANGACHITE.



BWANJI
UKUKHONZA
AISE, TIYE
NAYO KALATA
POMPANO.



Atadziwa zambiri za MPOX, Limba ndi Tapiwa analemba John kalata yomulimbikitsa kupita ku chipatala komwe anakalandira thandizo. Mnyamatayu anabweleranso m'kalasi komanso kuyamba kusewera ndi anzake monga mwa masiku onse.



**Bukuli lasindikizidwa ndi Unduna wa Zaumoyo
ndi thandizo lochokera ku UNICEF**